



古  
京  
遺  
文

全

特別  
手10  
4560



特 410  
4560



余性苦暑，每至夏月，身心倦疲，今年况又  
 炎熱異常，如何能讀書究義哉。頃日事業  
 不過暴書拂蠹耳，間取所輯金石文，揭之  
 壁間，坐卧其下，以自娛。遂採錄南都以前  
 之文，作釋文及題跋，願曰古京遺文，望之  
 學績，謏陋，紕繆固多，然鈎沈證古，可以充  
 史學之一助，則亦勝終日斲，而睡焉。



山崎氏藏書



42-10984

文政元年

年七夕後一日湯島狩谷望之書

古京遺文

目錄

法隆寺如意輪觀音菩薩造像記<sub>一</sub>

同寺金堂藥師佛造像記<sub>二</sub>

同寺釋迦佛造像記<sub>三</sub>

同寺二天造像記<sub>四</sub>

宇治橋斷碑<sub>五</sub>

船首王後墓志<sub>六</sub>

小野朝臣毛人墓志<sub>七</sub>

上野國山名村碑<sub>九</sub>

采女氏瑩域碑十

法金剛院鐘本文作妙心寺鐘十一

那須直韋提碑十三

藥師寺東塔擦銘十五

文忌寸祢麻呂墓版十六

威奈真人大村墓志十七

伊福吉部臣德足比賣墓志二十

建多胡郡辨官符碑廿一

栗原寺鑪盤銘廿二

高田里結知識碑廿四

興福寺觀禪堂鐘廿五

揚貴氏墓志廿六

佛足石記并歌碑廿七

聖武天皇銅版詔書二通廿八

石川朝臣年足墓志廿九

修造多賀城碑卅一

高屋連枚人墓志卅二

宇智河湜槃經碑卅三

紀朝臣吉繼墓志卅四

此他有元明天皇御陵碑、剥落無一字存、及狗

裝隼人像、又有東大寺盧舍那佛像蓮座須彌山圖、並無文字可錄、如匾額瓦當、別有集錄、此所不載、又大和國榮山寺有武智麻呂公墓志、殘石、河內國叡福寺有馬腦石記文、金剛輪寺有永手公墓表、疑並後人為託、今亦不存錄、

附錄

興福寺銅燈臺銘 四三

神護寺鐘銘 四四

道澄寺鐘銘 四六

右三銘、文詞可觀、書迹亦復足愛、自非隋唐有

名諸家、固所不能為、並為世所寶重、故雖在遷、都以還錄而附之、

引用書目畧

古事記	日本書紀	神代卷口決	續日本紀	日本後紀	三代實錄
類聚國史	舊事記	扶桑略記	帝王編年記	長曆	類聚三代格
大神宮儀式帳	延喜式神名帳	上野國神名帳	政事要略	倭名類聚抄	拾芥抄
姓氏錄	紹運錄	公卿補任	上宮法王帝說	聖德太子傳曆	小野氏系圖
元亨釋書	現報靈異記	孝謙帝御書切經跋	佛足石碑野良墓本	捺銘釋	多度寺資財帳
法隆寺資財帳	法隆寺繡帳文	四天王本願緣起	河內國西林寺記	弘安七年太政官符	萬葉集
拾遺集	常陸風土記	山城名勝志	大和志	鐘銘集	好古小錄

好古日錄	尚書注	詩經	周禮	禮記
左傳	左傳釋文	韋昭國語注	戰國策	漢書
管子	荀子	呂覽子	淮南子	陸賈新語
京群書治要	格古要論	沈法會文	說文	五經文字
廣韻	釋文	經典釋文	漢制閣頌	漢魯峻碑
漢西嶽華山廟碑	漢孔諱碑	北魏文帝吊比文	後魏中岳嵩陽寺碑	六朝造象記
隋龍藏寺碑	唐張旭即官石學孔龢碑	孝廉柳敏碑	洛州南縣灑水橋記	焦山古鼎
張納功德頌	義楚六帖	元和姓纂	佛祖統記	續高僧傳
慈恩傳	西域記	三藏聖教記	法苑珠林	涅槃經
于闐盆經	破邪論			觀佛三昧經

古京遺文

狩谷望之纂

觀世音菩薩造像記

歲次丙寅年正月生十八日記高屋大夫為分韓婦  
夫人名阿麻古顛南无頂礼作奏也

右金銅二臂如意輪觀音像藏在大和國法隆寺  
網封庫記在其座下按丙寅推古天皇十四年也  
正月生十八日謂正月月始見之後第十八日也  
當時未用曆日非因月之明晦莫知每月之更改  
故以月初見於西方為朔訓朔為月立者以是故也猶尚書哉

生明其後雖行曆法然邊鄙猶認月見數日故天  
智天皇十年十一月紀對馬國司上言云月生二  
日是足以見古時素樸之風也高屋連河內神別  
神竟神十世孫伊已止足尼大連之後見姓氏錄  
伊已止宿祢舊事記作五十琴宿祢世系詳見彼  
第五卷大夫名諱今不可知凡金石文之傳于今  
日者不有先於是者而前人所未見余客歲西遊  
始得遇之亦何幸耶

藥師佛造像記

池邊大宮治天下天皇大御身勞賜時歲次丙午年  
召於大王天皇與太子而誓願賜我大御病大平欲  
坐故將造寺藥師像作仕奉詔然當時崩賜造不堪  
者小治田大宮治天下大王天皇及東宮聖王大命  
受賜而歲次丁卯年仕奉

右藥師佛像在法隆寺金堂天平廿年法隆寺資  
財帳載之記在光嚴背池邊大宮治天下天皇后  
謚曰用明天皇丙午其元年小治田大宮治天下  
大王天皇後謚曰推古天皇丁卯其十五年也太

子及東宮聖王、並謂廐戶皇子、仕奉猶言奉造河  
內國西林寺記載天平五年緣起云、天忍羽廣庭  
天皇己卯年九月七日、始大山上文首阿志高時  
率諸親屬等、仕奉此寺并阿弥陀丈六佛像、僧摠  
持釋云、仕奉者、造佛立寺之詞也、即是、

釋迦佛造像記

法興元世一年、歲次辛巳十二月、鬼前太后崩、明年  
正月廿二日、上宮法皇枕病弗愈、干食、王后仍以勞

疾、並著於床、時王后王子等、及與諸臣、深懷愁毒、共  
相發願、仰依三寶、當造釋像、尺寸王身、蒙此願力、轉  
病延壽、安住世間、若是定業、以背世者、往登淨土、早  
昇妙果、二月廿一日癸酉、王后即世、翌日法皇登遐、  
癸未年三月中、如願敬造釋迦尊像、并侍及莊嚴、  
具竟、乘斯微福、信道知識、現在安隱、出生入死、隨奉  
三主、紹隆三寶、遂共彼埃、普遍六道、法界含識、得脫  
苦緣、同趣菩提、使司馬鞍首止利佛師造、

右釋迦佛像、上宮廐戶皇子妃、為皇子所造、亦在  
法隆寺金堂、記刻在光燄背、天平廿年法隆寺資



財帳云、王后敬造、按上宮法王帝說太子娶膳臣  
傾子女、蘓我馬子女、及尾張王女橋王、而膳氏先  
太子薨、則資財帳所云王后、非蘓我氏、則橋王也、  
寺傳謂山背大兄王造者、謬傳耳、上宮法王帝說  
謂法興元世一年者、是時厩戶皇子與蘓我大臣  
謀、興隆佛法、故云、非年號也、辛巳、推古天皇二  
十九年、癸未、推古天皇三十一年也、鬼前太后作  
穴太部間人女王、是厩戶皇子之妣、明年壬午、推  
古天皇三十年、王后即厩戶皇子之妃膳部氏、諱  
菩岐、美郎女、傾子臣之女、翌日謂廿二日、則知

厩戶皇子以推古天皇三十年二月廿二日薨、法  
隆寺繡帳文亦云、歲在辛巳、十二月廿一日癸酉  
日入、孔部間人母王崩、明年二月廿二日甲戌夜  
半、太子崩、正與此合、推古天皇紀云、二十九年二  
月己丑朔癸巳、晡半夜厩戶豐聰耳皇子命薨、蓋  
史筆之誤、當以是記及繡帳為正也、安隱即安穩、  
說文新附云、穩安也、古通隱、按穩字古所無、鄭玄  
尚書注、漢制闕頌、穩皆作隱、佛經亦多用安隱字、  
堦即岸字、見北齊劉碑造像銘、鞞首止利佛師、推  
古天皇紀作鞞作鳥、鳥祖司馬達等、父多須奈、而

司馬達等以繼體天皇十六年二月歸化見扶桑  
略記鳥為造佛之工亦見推古紀敏達紀云鞍部  
村主司馬達等用明天皇紀云鞍部多須奈蓋司  
馬其本姓而達等歸化之後賜鞍部姓也其云鞍  
首云鞍部村主云鞍作皆同

○  
二、天造像記

山口大口費上而次木閉二人作也  
藥師德保上而鐵師羽古二人作也

二像亦在法隆寺金堂記在光嚴背按孝德天皇  
白雉元年紀云是歲漢山口直大口奉詔刻千佛  
像、是像豈非所謂千佛之一耶、上猶言首領也、現  
報靈異記謂國守為國上、亦是姓直古或作費、見  
神護景雲元年三月及寶龜四年五月紀、欽明天  
皇紀有河內直、又引百濟本紀作加不至費直、並  
假借價直之字也、姓氏錄蕃別載山口宿禰為後  
漢靈帝之後者是也、姓氏錄又有皇別山口朝臣  
云、武內宿禰之後、故紀云漢以分之也、藤蒙齋好  
古日錄以為韓人、非是、姓氏錄蕃別有和藥使主

云、出自吳國主照淵孫智聰也、藥師德保或其後也、鐵疑鐵字、德保所造像、形勢與大口所造像略同、且記文如出一手、則蓋其造亦在白雉元年也、

五

字治橋斷碑

澆澆橫流、其疾如箭、修□□□□□□□□  
世有釋子、名曰道登、出□□□□□□□□□□  
即因微善、爰發大願、結□□□□□□□□□□

右斷碑、在山城國宇治常光寺、寬政三年四月發

生獲之、碑全文載在歷代帝王編年集成、據以補錄、匡以別之、道登見孝德天皇大化元年及白雉元年紀、道登營宇治橋、又見現報靈異記、而續日本紀則云、道昭造宇治橋、按續日本紀又云、昭以文武天皇四年物化、時年七十二、泝數之、大化二年時年十八、猶弱齡、恐無有造橋之事、蓋以登昭共元興寺僧、名字亦相涉、修史者誤認為昭也、賴遺此一片石、而得以糾千歲之謬、亦可喜也、弘安七年二月太政官符云、河上有一橋、元興寺道登道昭建立之、若登昭戮力造之、則石銘豈特載登

知雄略帝王編年集成云弘安九年丙戌十月十六日

遺昭耶。蓋彼欲據碑為道。登則與史乖。欲從史為道。昭則與碑迕。不能詳考審定歸之一人。以兩存之。則是言亦不足據也。

○

船首王後墓版

惟船氏故 王後首者是船氏中祖 王智仁首兒

那沛故 首之子也。生於子婆陀宮治天下 天

皇之世奉仕於等由羅宮 治天下 天皇之朝至

於阿須迦宮 治天下 天皇之朝 天皇照見知

好古錄上三

其才異仕有功勳 勅賜官位大仁品為第以上

三殞亡於阿須迦 天皇之末歲次辛丑十二月三

日庚寅故戊辰年十二月殞葬於松岳山上共婦

安理故能刀自同墓其大兄刀羅古首之墓並作墓

也。即為安祿萬代之靈基。牢固永劫之寶地也。以上背文

右銅版墓志藏在河內國古市郡古市村西琳寺

王後推古天皇紀作船史王乎王智仁即欽明天

皇紀王辰爾也。姓氏錄作智仁君。與此版同。欽明

天皇十四年紀云。遣王辰爾。數錄船賦。即以王辰

爾為船長。因賜姓為船史。王辰爾即王智仁。始賜

姓故此以王智仁為船氏中祖也。乎婆陀宮治天下天皇後謚曰敏達天皇等由羅宮治天下天皇後謚曰推古天皇後移遷御小墾田宮故或稱曰小墾田天皇阿須迦宮治天下天皇後謚曰舒明天皇大仁推古天皇所制冠位。

○  
小野朝臣毛人墓志

飛鳥淨御原宮治天下天皇御朝任太政官兼刑部大卿位大錦上以上面文

小野毛人朝臣之墓營造歲次丁丑年十二月上旬即葬以上背文

飛鳥淨御原宮治天下天皇後謚曰天武天皇大錦上天智天皇所制冠位廿六階之第七等按山城名勝志載愛宕郡高野河北有崇道天皇社上方一許町踏之鏗々有響慶長十八年十二月村人高村政重者發之獲石椁內有銅版長二尺許濶二寸許面背有文伊藤東涯曰高野村一名小野版長一尺九寸濶一寸九分以元祿初年親往見此版後再訪之村人云自掘得墓志之後村落

衰弊疑是小野氏為崇取志埋藏舊處天武天皇  
紀十三年十一月小野臣等五十二氏賜姓曰朝  
臣此版以丁丑年造丁丑天武天皇之六年也而  
豫云朝臣與史不合毛人日本書紀無載續日本  
紀小野朝臣毛野傳云小治田朝大德冠妹子之  
孫小錦中毛人之子也則知毛人為妹子之子毛  
野之父今云大錦上亦與史異蓋西土碑碣與史  
不同者不一而足皆此類也愚謂小野臣等賜姓  
朝臣在天武天皇十三年此志六年所造而云朝  
臣者獨毛人先是而賜與同姓諸人不同也史所

載是類不遺枚舉但大錦上可以糾史謬小野臣  
孝昭天皇皇子天押日子命之裔見古事記及姓  
氏錄名勝志引小野氏系圖以為敏達天皇曾孫  
妹子孫毛野男者非是蒙齋亦襲此誤檢羣書類  
從所叙小野氏系圖敏達  
天皇子春日皇子子妹子孫王子毛人子毛野紹運  
紹同名勝志作妹子孫毛野男者偶誤耳然系圖  
紹運錄以為敏達天皇子有裔者以下小野臣同族有  
春日臣敏達天皇皇子有裔者以下小野臣同族有  
古事記姓好古小錄載此志脫治字誤  
氏錄為正

好古小錄上石  
上野國山名村碑

辛巳歲集月三日記

佐小孫作伏刀空記

小孫多字缺祿作祿  
辺字缺

佐野三家定賜健守命孫黑賣刀自此新川臣見斯  
多祿足辺孫大兒臣娶三兒長利僧母為記定文也

放光寺僧

碑在上野國綠野郡山名村山上觀音堂傷文義  
古拙不可讀佐野在山名村北廿餘町古歌所詠  
佐野船橋即此距佐野村一許町有一小堂俗呼  
云放光山顛邊寺或云是放光寺之蹟又上野國  
神名帳有羣馬郡放光明神然則放光寺在於此  
亦未可知也蒙齋以其文似高田里碑其所在亦

相近云或出一手定以辛巳為天平十三年余則  
謂高田里碑以神龜紀年此特不可舍天平之號  
以干支紀則辛巳當在天武天皇之十年也蒙齋  
曰集月又見古銅牌銘文疑是韓語古銅牌銘載  
在好古日錄  
云摸本傳在一友人家長一尺二寸濶二寸強厚  
一分弱陰識文云大邑利活辯慶著師盡可來觀  
都我往還三倉利如寬忠良哉願望元九貞□  
戊子集月銘文不可讀亦莫知為何器蒙齋疑  
為韓物  
或然



采女氏瑩域碑

好古日錄上卷

飛鳥淨原大朝庭大弁官直大貳采女竹良鄉所謂  
造墓所形浦山地四千代他人莫上毀木犯穢傷地  
也

己丑年十二月廿五日

古庭廷通用詩陟降庭止漢書匡衡傳作廷古今  
人表大廷氏注廷讀曰庭左傳釋文廷本又作庭  
皆可證弁亦辨字建多胡郡辨官符碑亦用之國  
策齋貌辨呂覽作劑貌辨古今人表作昆辨元和  
姓纂作昆弁則知辨辨弁古通用也直大貳天武  
天皇所制爵位四十八階之第十一等采女氏姓

知雄按齋貌辨劑  
貌辨二辨字中一當  
作辨次辨辨弁亦同  
恐誤寫宜就本書訂  
正又古今人表下作字  
當削恐衍

氏錄載在右京及和泉國神別並云神饒速日命  
之後古事記所云亦同竹良天武天皇紀作竹羅  
云直大肆此云大弁官直大貳皆可補史闕形浦  
山蒙齋云在河內國石河郡春日村土俗訛云惟  
子山碑今移在同村妙見寺代者古人量地之法  
見類聚三代格上宮聖德法王帝說法隆寺資財  
帳等書萬葉集歌所謂五百代小田亦是日本書  
紀頃字亦讀與代同政事要略載弘仁十三年明  
法博士額田國造今足勘文云以大方六尺為步  
二百五十步為五十代拾芥抄云田以方六尺為



一步卅六步為一段頭、三百六十步為一段積七  
十二步為十代、百四十步為廿代、百四十下、二百  
六十步為卅代、六十之誤、二百八十步為四十代、  
脫八字、恐五十一代為一段、二說不同、或時有沿革  
歟、蒙齋釋四十年代為四十代、釋毀木為致木、並誤、  
己丑持統天皇三年也、

○  
妙心寺鐘

戊戌年四月十三日壬寅收糟屋評造春米連廣國

鑄鐘

戊戌、文武天皇二年也、四月十三日壬寅、以長曆  
推之、正合、收謂取而收之也、糟屋、筑前國郡名、扶  
鐘銘集釋為評造猶云郡領、古時郡縣用評字、大  
精屋者誤、神宮儀式帳云、難波朝廷天下立評給時、續日本  
紀、天平寶字八年紀載、紀寺奴益人等訴云、本國  
氷高評人內原直牟羅、其郡司亦稱評督、或稱評  
督領、文武天皇四年紀有衣評督衣君縣、又神護  
景雲元年紀載、阿波國百姓上言曰、評督凡直麻  
呂、那須直章提碑云、評督被賜、大神宮儀式帳云、

小乙下久米勝麻呂評督領仕奉是也續體天皇紀韓地名  
有背評備訓邊已富里本注云背評地名亦熊倫已富里新羅其邑在內曰啄評則知古時郡縣用評字又訓已富里並韓國方語也  
 春米連左京神別神饒速日命之後見姓氏錄廣國書傳無載鍾即鐘字古書及漢唐諸碑皆通用干祿字書鍾鐘上酒器下鐘磬字今並用上字五經文字鐘鍾上樂器下量名又聚也今經典通用鐘為樂器是也

那須直韋提碑

永昌元年己丑四月飛鳥洋御原大宮那須國造追大壹那須直韋提評督被賜歲次康子年正月二壬子日辰節弥故意斯麻呂等立碑銘德云尔仰惟殞公廣氏尊胤國家棟樑一世之中重被貳照一命之期連見再甦碎骨飛髓豈報前恩是以曾子之家无有嬌子仲尼之門无有罵者行孝之子不改其語銘夏竟心澄神照乾六月童子意香助坤作徒之大合言喻字故無翼長飛无根更固

碑在下野國那須郡湯津上村俗稱笠石舊在荊棘中土人觸犯者必蒙殃崇有僧圓順以是事語

梅平村人大金重貞者、梅平在水府封內、重貞以  
聞義公、實貞享四年之秋也、義公好古、聞之即命  
臣佐々宗淳就搨之、元祿四年三月更命有司封  
築安碑於其上、建亭以護之、巋然存于今者、公之  
賜也、蒙齋曰、永昌元年當作朱鳥四年、蓋係洗者  
改作、今審觀之、字樣不類、其說似可信、朱鳥四年  
五年六年七年見萬葉集、朱鳥七年見靈異記、不  
得據史斷言朱鳥之號僅一年也、飛鳥淨御原宮  
天武天皇所營、帝崩持統天皇嗣御是宮、至八年  
朱鳥始遷都藤原、故碑謂持統天皇之時、猶稱淨

御原大宮也、猪名大村墓志所云、後清原聖朝即  
是也、追大壹、天武天皇所制爵位、四十八階之第  
三十三等、那須直姓也、所謂胙之土、而命之氏者、  
姓氏錄不載、其祖不詳、韋提名也、佐々氏釋作那  
須宣事、提非是、評督官名、猶後世郡領也、既於妙  
心寺鐘跋詳之、白石新井先生云、評督是都督之  
誤、亦不知古時有評督之職也、康子、即庚子、係文  
武天皇之四年、庚作康、又見伊福吉部氏墓志、唯  
未見西土人以庚為康者耳、弥故、猶言病死也、佐  
佐氏釋作弥故、疑為物故之訛、並非是、弥字旁从

夕下文殞字同漢李翊夫人碑殂字作殂與此同  
法德訓志奴布思慕其人之義萬葉集多用之蓋  
是間會意字非詩所謂美且德之德白石先生釋  
為德字亦非棟樑即棟梁淮南主術訓魏崔浩沈  
法會文北魏文帝吊比干文唐虞世南書破邪論  
皆用此字蓋連上字增木傍者猶鳳皇作鳳凰琅  
邪作琅琊之類也無翼長飛無根更固蓋本于管  
子或篇無翼而飛者聲也無根而固者情也之語  
唐高宗三藏聖教記亦云名無翼而長飛道無根  
永固然銘文多不可讀諸家往往強作解事不可

據信今姑從佐々氏所釋蒙齋以是碑為持統天  
皇時物則誤矣

藥師寺東塔檨銘

維清原宮馭宇天皇即位八年庚辰之歲建子之月  
以中宮不念創此伽藍而鋪金未遂龍駕騰仙大上  
天皇奉遵前緒遂成斯業照先皇之弘誓光後帝之  
玄功道濟郡生業傳曠劫式於高躅敢勒貞金其銘  
曰

魏魏蕩蕩、藥師如來、大發誓願、廣運慈哀、猗猗聖王、  
仰延冥助、爰饒靈宇、庄嚴調御、亭亭寶刹、窈窕法城、  
福崇億劫、慶溢萬齡、

右刻在藥師寺東塔刹柱上、隅東奈佐先生有擦  
銘釋、精核可喜、按清原即清御原、當時文人厭冗  
長、刪御字者、藤原繼繩公上奉勅修史表云、襲山  
肇基、以降、淨原御寓之前、古事記序云、飛鳥清原  
大宮、形浦山碑云、飛鳥清原大朝廷、猪名墓志云、  
清原聖朝皆是也、以郡為群、出唐昭仁寺碑、是銘  
造在文武天皇之時、故謂持統天皇為大上天皇、

也、續日本紀文武天皇二年十月庚寅、以藥師寺  
構作畧了、詔衆僧令住其寺、可見持統天皇之時  
猶未落成也、蒙齋以為文武天皇時之物、踈漏甚  
矣、

○  
文忌寸祢麻呂墓版

壬申年將軍左衛士府督正四位上文祢麻呂忌寸  
慶雲四年歲次丁未九月廿一日卒、

墓版用銅造、長八寸五分、廣一寸四分、天保二年

九月大和國宇陀郡八瀧村農夫於圃田掘得之  
按文忌寸者應神天皇十六年歸化百濟博士王  
仁之裔始賜文首所謂河內文首也日本書紀作  
書首其讀同文氏有二一即王仁之後世居河內  
號河內文首一即阿智王之後世居大和號大和  
文真河內在西大和在東故謂文首為西文謂文  
直為東文其後東西二文皆為連又為忌寸又為  
宿祢但遷都平安西文隸左京東文隸右京是可  
以為別也祢麻呂日本書紀作根麻呂續日本紀  
或作尼麻呂皆同天武天皇之發吉野至伊勢也

祢麻呂等二十餘人從之天皇遷美濃令祢麻呂  
等將兵討大友皇子於近江平之是年歲次壬申  
誌云壬申年將軍者謂是也天武天皇十二年改  
姓賜連十四年再改賜忌寸文武天皇大寶元年  
以壬申年功賜食封一百戶又以中功賜功田八  
町傳二世見天平寶字元年十月十日慶雲四年卒續日  
本紀云慶雲四年十月戊子從四位下文忌寸祢  
麻呂卒遣使宣詔贈正四位上并賜絕布以壬申  
年功據誌云十月戊子者疑史筆之誤但正四位  
上是贈位靈龜二年四月紀天平寶字元年十二

月紀亦並云、贈正四位上可以證也、誌不曰贈者、  
蓋書人之誤耳、其為左衛士督史不載、乃缺文也  
也、

威奈真人大村墓志

小納言正五位下威奈卿墓誌銘并序

卿諱大村、檜前五百野宮御宇天皇之四世、後岡本  
聖朝紫冠威奈鏡公之第三子也、卿溫良在性、恭儉  
為懷、簡而廉隅、柔而成立、後清原聖朝初授務廣肆、

好吉小錄上錄載

知確母小納言以下行  
好吉小錄元

關小錄作關

勤小錄作勤

更

二小錄作三

後下小錄有小字

荆小錄作刑

享小錄作亨 祐作祐

藤原聖朝小納言關、於是高門貴胄、各望備負、天皇  
特擢卿、除小納言、授勤廣肆、居無幾、進位直廣肆、以  
大寶元年律令初定、更授從五位下、仍兼侍從、卿對  
揚宸宸、參贊絲綸之密、朝夕帷幄、深陳獻替之規、四  
年正月進爵從五位上、慶雲二年命兼太政官左小  
弁、越後、疆衝接蝦虜、柔懷鎮撫、允屬其人、同歲十一  
月十六日命卿除越後城司、四年二月進爵正五位  
下、卿臨之以德澤、扇之以仁風、化洽荆清、令行禁止、  
所冀享茲景祐、錫以長齡、豈謂一朝遽成千古、以慶  
雲四年歲在丁未、四月廿四日寢疾、終於越城、時年

十月下小錄有乙未朔  
三字

卅六、粵以其年冬十一月廿一日乙卯歸葬於大倭

國葛木下郡山君里狛井山堂天潢疏派若木分枝

啓小錄作啓參作泰

標英啓哲載德形儀惟卿降誕餘慶在斯吐納參贊

啓小錄作啓

啓浚陳規位由道進榮以禮隨製錦蕃維令望攸屬

鳴絃露冕安民靜俗憬服來蕪途荒公足輔仁無驗

析小錄作折

連城析玉空對泉門長悲風燭

右誌鑄於銅合子蓋上蓋大村真久在越後卒焚

天明小錄作明和出於大  
和葛木下郡穴裏山崩所

尸盛骨歸葬也天明中大和國葛木下郡馬場村農

夫壑而獲之今藏四天王寺□□院咸奈古事記

作韋那日本書紀作倭那績日本紀作猪名姓氏

錄作為奈並同紀記並云惠波王之後姓氏錄以

為火焰王之後惠波火焰並是宣化天皇皇子未

知孰是也五百野宮古事記日本書紀三代實錄

並作廬入野宮按廬訓伊富利或省云伊富則知

宮名亦或省稱伊富能也五百野宮御宇天皇後

謚曰宣化天皇後置本謂齋明天皇之朝後清原

持統天皇藤原文武天皇也鏡公史傳無載紫冠

孝德天皇所制冠位十九階之第五六等發廣肆

天武天皇所制爵位四十八階之三十二等勤廣

肆第二十四等直廣肆第十六等誌云大寶元年



律令初定、更授從五位下、蒙齋誤釋更授作受、下文景祐亦誤作景祐

續日本紀大寶元年三月甲午、始依新令、改判官

名位號者是也、誌又云、四年正月進爵從五位上、

按紀正月癸巳叙位大村真人進爵、蓋在是時、然

紀是日有授正四位上從四位下從五位下之稟、

無授從五位上之文、疑紀有缺脫也、誌云、同歲慶

三年十一月十六日命卿除越後城司、紀云、四年

閏正月庚戌以從五位上猪名真人大村為越後

守、與紀少異、誌乃當時人之所書、當據以為正也、

任小納言兼侍從左少辨叙正五位下、紀皆失載、

是誌少字皆作小、蓋古人通用、大倭國即大和國、

天平勝寶四年改今字、見神代卷口決、及拾芥抄、

葛木下郡即葛下郡、時未有國郡名二字為定之

制、天武紀葛城上郡亦是山君里未詳、廣本倭名

類聚抄葛下郡有山直鄉、或是山君之誤、

伊福吉部臣德足比賣墓志

因幡國法美郡伊福吉部德足比賣臣、藤原大官御

宇大行天皇御世、慶雲四年歲次丁未春二月二十

好言小録六

五日從七位下被賜仕奉矣

二十

和銅元年歲次戊申秋七月一日卒也三年康成冬

十月火葬即殯此處故末代君等不應崩壞

上件如前故謹錄錐

和銅三年十一月十三日己未

右盛骨銅合子文鑄在蓋上制度與前器約略相

似安永三年六月廿四日因幡國府中山中發土

獲之伊福吉部姓氏錄作伊福部或五百木部皆

同火明命之後也德足比賣書傳無見謂文武天

皇為大行天皇萬葉集亦同蓋當時誤認大行為

先帝之義也末代君猶言後世諸君蒙齋釋為末

代吾者誤矣錐即碑字器用銅造故變石从金耳

非此金錐之字猶墓榻古以木作之周禮蜡氏職云若有死於

道路者令埋而置榻焉書其日月焉漢書尹賞傳云榻著其姓名顏師古曰榻也榻於瘞處而

書死者名也榻榻字並从木後世代以石故字亦从石作碣遂

與東海碣石字混為一也然謂誌為碑所未有見

恐謬也

悔所字當在下恐誤

建多胡郡辨官符碑



并官符、上野國片置郡、綠野郡、甘良郡、并三郡內三百戶郡成、給羊成多胡郡、和銅四年三月九日甲寅宣左中并正五位下多治比真人  
太政官二品穗積親王左大臣正二位石上尊右大臣正二位藤原尊

碑在上野國多胡郡池村、續日本紀云、和銅四年三月辛亥、割上野國甘良郡織裳、韓級、矢田、大家、綠野郡、武美、片置郡、山等六鄉、別置多胡郡、此碑蓋刻當時符文也、按碑云、九日甲寅、則辛亥為六日、碑史相差三日、給羊字不可讀、俗傳羊大夫之

事、不經甚矣、蒙齋曰、應作半、義粗可通、然文理不穩、不如闕疑之為勝也、太政官即知太政官事、慶雲二年九月紀云、詔二品穗積親王、知太政官事、是也、石上尊麻呂公、藤原尊不比等公也、尊訓美古登、古時尊重其人之稱、谷川淡齋誤以為朝臣之省者可笑矣、二公官銜亦皆與續紀合、蒙齋曰、多治比真人三宅麻呂也、三宅麻呂為左中辨、續紀不載、然位階適合、亦後為左大辨、則或其人也、

粟原寺鐘盤

寺壹院、四至

限東竹原谷東岑  
限榿村谷西岑

限南太岑  
限北忍坂川

橙上恐脫四字

此粟原寺者、仲臣朝臣大嶋惶惶誓願、奉為大倭國  
淨美原宮治天下天皇時日並御宇東宮敬造伽藍  
之尔、故比賣朝臣額田以甲午年始、至於和銅八年  
合廿二年中、敬造伽藍、而作金堂、仍造釋迦丈六尊  
像、

和銅八年四月敬以進上於三重寶塔七科鐘盤矣、  
仰願藉此功德、

皇太子神靈速證无上菩提果、

願七世先靈共登彼岸、

願大嶋大夫心得佛果、

願及會議俱成正覺、

心恐必之法

粟原寺、今廢、大和志云、廢趾在十市郡粟原村、鐘  
盤今藏多武峯妙樂寺、按仲臣即中臣、姓氏錄、中  
臣雷大臣、或作仲臣、漢宣帝號中宗、漢西嶽華山  
廟碑作仲宗、孝廉柳敏碑、五行星仲廿八舍、柳宿  
之精、亦以仲為中、焦山古鼎、司徒南中、即南仲、則  
中仲古通用可知也、中臣朝臣大嶋、天武持統兩

紀數見日並御宇東宮天武天皇皇子草壁王也  
王為文武天皇元正天皇皇考天平寶字二年八  
月追尊奉稱岡宮御宇天皇但是時未上尊號而  
云御宇頗似可疑然王天武天皇之時為皇太子  
攝萬機至持統天皇三年薨雖未嗣皇統與天皇  
之尊其實無異古以帝位比之大陽之精所謂天  
日嗣是也而皇子故當時稱曰日並御宇東宮與  
帝相並御天下日並御宇當讀為比奈美志續日  
本紀作日並知萬葉集或作日雙斯皆可證讀御  
宇為志者與萬葉集八隅知訓為也須美志之之

志同或讀為比奈免志非是比賣臣額田無攷甲  
午持統天皇八年也伽藍即伽藍隋龍藏寺碑作  
伽藍多度寺資財帳作伽藍皆是梵語對譯不必  
拘文字也余往讀崇峻天皇紀有鑪盤博士某爾  
時無辨鑪盤是何物今於是銘始得知之七科即  
七階猶云七層也四天王寺本願緣起云寶塔第  
一露盤誓手鐫金亦謂露盤第一層也本願緣起  
係後人為  
託然其出在一條  
帝時故取証云

高田里結知識碑

益

又小錄作人

那小錄作部孫作後  
手作千軌作馱

或人下有口口二  
鍛作鍛

磨作麻呂二字合作今

上野國羣馬郡下贊鄉高田里三家子孫為七世父  
母現在父母現在侍家刀自□□君目道刀自又鬼  
□那刀自孫物部君手足次駝刀自次□□刀自合  
六口又知識所結人三家氏人。次知万呂鍛師礪了  
君牛磨合三口如是知識結而天地誓願仕奉石文

神龜三年丙寅二月廿九日

碑在綠野郡山名村金井澤山中舊在山下村民  
弥一家側弥一家貧族絕村民等謂犯穢是碑之  
所致遂移碑於山上或云明和申鳥川厓畔崩壞

寶元元古今至号中無之  
恐覽元五年丁未之誤狀  
或又偽年号狀可考  
願下恐脫以字

而出者非是下贊鄉或云今佐野村高田里今不  
詳其處上野國神名帳有羣馬郡高田明神蓋即  
其地為七世父母現在父母見于孟蘭盆經六朝造  
象記多用之粟原寺露盤銘云願七世先靈共登  
彼岸西林寺記載阿弥陀造像記云寶元五年己  
未正月二種智識敬造弥陀佛像并二菩薩願此  
功德現在親族福延万世七世父母隨意住恐脫  
舍靈之類同斯福力皆是也鍛師人名田中臣鍛  
師聖德太子傳曆有舍人蒙齋釋為鍛師又下文  
宮池鍛師皆以鍛師為名蒙齋釋為鍛師又下文  
今三口並非是牛磨續紀天平神護二年五月甲

戊上野國甘良郡人外大初位下磯部牛麻呂等  
四人賜姓物部君蓋其人也按上野國碓氷郡有  
磯部鄉磯部君者蓋因此地名姓也姓氏錄河內  
皇別有磯部臣仲哀天皇皇子譽屋別命之後不  
知同姓否磯字从義作磯是間古鈔本多如此作  
部字省作了並始見於此結知識結社也猶今俗  
言講中者仕奉石文猶云謹敬造立建碑以紀之  
則疑是亦造像記也

興福寺觀禪堂鐘

捷捷神器金鼓仁風聲振鷲岳響暢龍宮奉為四息  
先靈聖躬遊神壽域暗言天象鈿輪息下折機清空  
於城伊竭弘誓無窮鑄銅四千斤白鑄二百六十斤  
神龜四年歲次丁卯十二月十一日鑄口主德因時  
古昔鐘銘皆款文此獨為識文銘多漫漶殆不可  
讀奈良人松井元孝精意釋文如斯主德因時蓋  
願主人名疑是韓人也

楊貴氏墓志

高亮古禮道潛寺鐘銘  
亦同

從五位上守右衛士智兼行中宮高下道朝臣真備  
葬亡妣楊貴氏之墓。天平十一年八月二日記。  
歲次己卯

右墓志用瓦造，刻字填以朱砂，享保十三年大和  
國宇智郡大野村民源八者掘地得之，置之村中  
蓮華寺，其地近時連不取，或曰楊貴氏為崇村老  
相議埋之舊處，新井鳴門豹近在同郡五條里，親  
見其事，為余語如此。真備官位與續日本紀所載  
合。楊貴氏，姓氏錄右京諸蕃所載，八木造即此。



佛足石記

釋迦牟尼佛跡圖

案西域傳云，今摩揭陀國昔阿育王方精舍中有一  
大石有佛跡，各長一尺八寸，廣六寸，輪相花文，十指  
各異，是佛欲涅槃北趣拘尸南望王城足所踏處，近  
為金耳國高迦王不信正法，毀壞佛跡，鑿已還生文  
相如故，又捐於河中，尋復本處，今現圖寫所在流布。  
觀佛三昧經。若人見佛足跡，內心敬重，无量衆罪，由

十指松屋本作口相

相松本作彩

經下松本有云字內心三字  
作恩一字



其松本作此。口無

有字松本无

崖龍口口伏松本作口  
暴龍聞口佛齋作  
齊  
口松本无

其而滅今俱口非有幸之所致乎又北印度烏仗那  
國東北二百六十里入大山有龍泉河源春夏含凍  
晨夕飛雪有暴惡龍常雨水災如來往化令金剛神  
以杵擊崖龍口口伏歸依於佛恐惡心起齋跡示之  
於泉南大石上現其口跡隨心淺深量有長短今丘  
慈國城北四十里寺佛堂中玉石之上亦有佛跡齋  
日放光道俗至時同住慶修觀佛三昧經佛在世時  
若有衆生見佛行者及見千輻輪相即除千劫極重  
惡罪佛去世後想佛行者亦除千劫極重惡業雖不  
想行見佛迹者見像行者步步之中亦除千劫極重

遇松本作異

三國云云六字松本无

松本本作寶東磨字无  
唯作二缺字又輪下缺字  
作回按磨據下考證文  
回字松本无

此松本作其

一本无

五年癸巳松本作元年  
巳丑  
畫松本作五

惡業觀如來足下平滿不容一毛足下千輻輪相轂  
輞具足魚鱗相次金剛杵相足跟亦有梵王頂相衆  
蠶之相不遇諸惡是為休祥以上正面在南

知識家口男女大小 正面方圍外下方題字

三國真人淨足 左側方圍外右方題名

大唐使人王玄策向中天竺磨口口國中轉法輪口

回見跡得轉寫搭是第一本日本使人黃書本實向

大唐國於普光寺得轉寫搭是第二本此本在右京

四條一坊禪院向禪院壇披見神跡敬轉寫搭是第

三本從天平勝寶五年歲次癸巳七月十五日畫廿

口松本作子以字无

王松本作之

万松本作方書作畫  
寫下口作神手口口  
口呂作主口口口足  
下口作匠又奉口口口  
人作缺七字

三國云松本无

王松本作主

駕松本作高

口初松本作口永

七日并一十三舊作口檀主從三位智努王以天平勝

寶四年歲次壬辰九月七日改玉寫成文室真人智

努畫師越田安万書寫口石手口口口呂人足口仕

奉口口口人以上左側在西

三國真人淨足左側方圍外題名在第十行下方

至心發願為亡夫人從四位下茨田郡王法名良武

敬寫釋迦如來神跡伏願夫人之靈駕遊口无勝之

妙邦受口口口之聖口初脫有漏高證无為同露

三男共契一真以上背而在北

諸行无常諸法无我涅槃寂靜以上左側在東

載上恐脫所字

因下恐脫寺字曲上當  
有以字

佛跡圖石在西京藥師寺所引西域傳與西域記八五

法苑珠林載略同所記佛跡尺寸西域記釋迦方

誌慈恩傳續高僧傳皆同今曲尺計之其廣正合

其長唯二寸不知何謂蒙齋以記中一尺八寸為

一尺六寸之誤未檢西域記諸書也觀佛三昧經

事同文異蓋係操觚者之纂節王玄策使天竺見

唐書西域傳法苑珠林云貞觀二十三年有使圖

寫迹來者即是磨下二缺字當是揭陀輪下缺字

蓋處字黃文連出自高麗國人久斯那王見姓氏

錄本實天智天皇紀持統天皇紀文武天皇紀並

迹上恐脫佛字

載而無向唐國之事。按天智天皇十年紀、黃文造  
本實獻水泉、豈非得於唐國而獻之耶。普光寺、唐  
貞觀五年為太子承乾建、見佛祖統記、禪院道昭  
所建、初在飛鳥、後移平城、詳見續日本紀及三代  
實錄、按續日本紀、智努王、天武天皇之孫、父一品  
長親王、天平十九年正月、授從三位、天平勝寶四  
年八月乙丑、賜文屋真人姓。按八月無乙丑、九月  
不方、此云九月  
七日、合、可疑、天平寶字五年、改名淨三、授正三  
位、六年正月為御史大夫、八年正月、叙從二位、九  
月致仕、寶龜元年十月、薨、野呂氏摹刻此文、卷末

所附、淨三卿履歷、訛謬頗多、故余為正之、亡夫人  
茨田郡王法名良式、未詳、按續紀云、天平十一年  
正月丙午、授無位、茨田女王從四位下、位階適合、  
或、其人也、三國真人、繼躰天皇皇子、椀子王之後、  
見姓氏錄、淨足無攷、文中石字、王字、休字、磨滅不  
可見、此從野呂氏摹本、蓋或見不損本也、今匡以  
分之、但野呂氏摹本案作尋、十指作帶相、商作商  
相、作彩、指於河中、脫於字、內心作恩、由其而滅、作  
由共滅、有暴惡龍、脫有字、以杵擊崖、上行山字、龍  
□□伏、作暴龍出伏、寺佛堂、作在佛堂、迹作跡、不

遇作不異、天竺磨□□國、脫磨□二字、曰見作同  
見、此本作日本、四條一坊、作四行坊、盡作至、一十  
三箇日脫一字、畫師安方作安方、三國真人淨足  
作文室真人淨三、皆誤、末行石手字、呂字、足字、仕  
奉字、人字、野呂氏不刻、蓋闕疑之意、不足責也、背  
後及右側二面、野呂氏不刻、豈不獲搨本耶、是記  
石質頑堅、不得深刻、文字隱晦、多不可讀、又高卑  
坳突、刻隨其勢、是以世罕有搨本、余親至西京、經  
七日之久、精撫一本、纔得釋之、其方圍下方二題  
字、埋在塵土中、余磨淨數日之後、始獲之、前人亦

未嘗見也。



佛足石歌碑

○  
余佛跡 一十七首

○美阿止都久留、伊志乃比鼻伎波、阿米尔伊多利、都  
知佐開由須礼、知之波、賀多米尔、毛吕比止乃多  
米尔、

余松屋本作恭

弥蘓知阿麻利、布多都乃加多知、夜蘓久佐等、曾太  
礼留比止乃布美志阿止、已吕、麻礼尔母阿留可



阿松本作比佐字

佐伎波比乃阿都伎止毛加羅麻為多利豆麻佐米  
 尔弥祁牟阿止乃止毛志佐字  
 乎遲奈伎夜和礼尔於止礼留比止乎於保美和多  
 佐牟多米止字都志麻都礼利都加開麻都礼利  
 舍加乃美阿止伊波尔字都志於伎由伎米具利字  
 夜麻比麻都利和我与波乎開牟已乃与波乎開牟  
 久須理師波都祢乃母阿礼等麻良比止乃伊麻乃  
 久須理師多布止可理家利米太志可利鷄利  
 已乃美阿止乎麻婆利麻都礼婆阿止奴志乃多麻

夫夫之革體

乃与曾保比於母保由留可母美留期止毛阿留可  
 於保美阿止乎美尔久留比止乃伊尔志加多知与  
 乃都美佐開保吕支止曾伊布乃曾久止叙伎久  
 呵嘖生死  
 比止乃徽波衣賀多久阿礼婆乃利乃多能与須加  
 止奈礼利都止米毛吕毛吕須賣毛吕母吕  
 与都乃開美御都乃乃毛乃阿爾都麻礼流伎多奈  
 伎徽乎婆伊止比須都開志波奈礼須都信志  
 伊加豆知乃比加利乃期止岐已礼乃徽波志尔乃  
 於保岐美都祢尔多具霸利於豆開可良受夜

□都□□□□□□比多留□□乃多尔久須理  
 師毛止牟与伎比止毛止先  
 上下段、

右歌碑建在佛足石之後，所鑄歌廿一首，其十七首咏贊佛蹟，四首呵責生死，碑嘗罹火災，以故四邊有剝脫者，中亦有磨泐不存者，其剝脫而後，人取舊文補刻者，今圈以別之，其磨泐者，今從野呂氏摹本填入，亦匡以存之，第二首拾遺和歌集載之云，光明皇后自書于山階寺佛蹟，皇后崇奉佛教，其吟咏想當如此，按義楚六帖載西域記云，佛

在摩竭陀國波吒離城石上，印留跡記，辨法師親禮聖迹，自印將來，今在坊列王華山，鑄碑記讚，皇后蓋倣此也，契冲律師曰，山階寺即興福寺，或云佛跡石及此碑，古昔在興福寺，後移置藥師寺，然第十五首詠藥師佛，則似舊在於此，方外友西教寺潮音曰，第十五首使用客醫舊醫之事，見涅槃經，亦喻釋迦之教勝於餘教，非謂藥師佛也，愚按第九首第十四首並云，舍加乃美阿止，非謂藥師佛明矣，雖是寺安藥師佛，然又有釋迦佛跡石，亦何害，拾遺集云，山階寺者，恐傳聞之誤，以為移置

者、以碑見在藥師寺、不與拾遺集合、臆度為之說、  
不足據也、潮音近日考證記文、注釋和歌、並精審  
可據、以有專書、此不贅、

勝寶感神聖武皇帝銅板詔書

菩薩戒弟子皇帝沙弥勝滿、誓首十方三世諸佛法  
僧、去天平十三年歲次辛巳、春二月十四日、朕發願  
稱廣為蒼生、遍求景福、天下諸國各合、敬造金光明  
四天王護國之僧寺、并寫金光明最勝王經十部、住

合下恐脫力字

水田上恐脫字

僧廿人、施封五十戶、水田十町、又於其寺造七重塔  
一區、別寫金字金光明最勝王經一部、安置塔中、又  
造法華滅罪之尼寺、并寫妙法蓮華經十部、住尼十  
人、水田十町、所冀聖法之盛、与天地而永流、擁護之  
恩、被幽明而恒滿、天地神祇、共相和順、恒將福慶、永  
護國家、開闢已降、先帝尊靈、長幸珠林、同遊寶刹、又  
願太上天皇、太皇后藤原氏、皇太子已下、親王及大  
臣等、同資此福、俱到彼岸、藤原氏先後太政大臣、及  
皇后先妣、從一位橘氏太夫人之靈識、恒奉先帝、而  
陪遊淨土、長願後代、而常衛聖朝、乃至自古已來、至



於今日身為大臣竭忠奉國者及見在子孫俱曰此  
福各繼前範堅字君臣之禮長紹父祖之名廣給群  
生通該廢品同辭愛網共出塵籠者今以天平勝寶  
五年正月十五日莊嚴已畢仍置塔中伏願前日之  
志悉皆成就若有後代聖主賢卿承成此願乾坤致  
福愚君拙臣改替此願神明効訓

右銅版詔書藏在東大寺二月十四日續紀天平  
十九年十一月已卯詔所云亦同然於十三年紀  
則係之三月廿四日未知何謂也是詔在讓位後  
數年而言皇帝又謂既崩元正天皇為太上天皇

卅五

謂太皇太后宮子為皇太后謂今上寶字稱德孝  
謙皇帝為皇太子謂皇太后光明子為皇后者皆  
是天平十三年發願時之語非勝寶五年落成時  
之文先後太政大臣鎌足公不比等公橘氏大夫  
人縣犬養宿祢東人女三千代也適不比等公生  
光明子和銅元年十一月賜橘宿祢姓天平五年  
正月薨天平寶字四年八月贈正一位為大夫人  
然此詔豫曰大夫人殊不可曉

又 施

封五千戶  
水田一万町、

以前捧上件物、遠限日月、窮未來際、敬納彼三寶分、依此發願、太上天皇沙弥勝滿、諸佛擁護、法藥薰質、万病消除、壽命延長、一切所願、皆使滿足、令法久住、拔濟群生、天下大地、人民快樂、法界有情、共成佛道、以代代國王、為我寺檀越、若我寺興復、天下興復、若我寺衰弊、天下衰弊、復誓其後代有不道之主、邪賊之臣、若犯若破障而不行者、是人必得敬辱、十方三世、諸佛菩薩、一切賢聖之罪、終當墮大地獄、無數劫

敬恐敬之語

禍當作福塵上恐脫出字

中、永無<sup>中</sup>出離、十方一切、諸天梵天、護塔大善神王、及普天率土、有勢威力、天神地祇、七廟尊靈、并佐命立功、大臣將軍靈、共起大禍、永滅子孫、若不犯觸、敬勤行者、世世累福、終隆子孫、共塵城、早登覺岸、

天平勝寶元年

平城宮御宇大上天皇法名勝滿

右刻在前詔背、按續日本紀、天平感寶元年閏五月癸丑、捨諸寺、純綿布、稻墾田地、詔文略同、遠江國相良平田寺、亦藏是日勅書、蓋是所賜大安寺、寺廢後、在于此也、其紀年云、天平感寶、與史同、按

是是歲七月讓位於皇太子改元勝寶然今詔在閏  
五月而云勝寶者是刻蓋同在刻勝寶五年詔之  
時故記以改号耳其在帝位而稱太上天皇續紀  
及平田寺勅書皆同疑不能明也又按續紀是日  
所捨東大寺墾田一百町七月乙巳定諸寺墾田  
地限亦大倭國分金光明寺四千町並不與此詔  
合續紀又曰天平勝寶二年二月壬午益大倭金  
光明寺封三千五百戶通前五千戶此詔豫曰五  
千戶亦蓋追刻時所改增也

○  
石川朝臣年足墓志

武內宿祢命子宗我石川宿祢十世孫從三位行左  
大辨石川石足朝臣長子御史大夫正三位兼行神  
祇伯年足朝臣當平成宮御宇天皇之世天平寶字  
六年歲次壬寅九月丙子朔乙巳春秋七十有五薨  
于京宅以十二月乙巳朔壬申葬于攝津國嶋上郡  
白髮鄉酒垂山墓禮也儀形百代冠蓋千年夜臺荒  
寂松柏含□嗚呼哀哉

右墓志文政三年正月攝津國嶋上郡真上光德

寺村民德右衛門鑿其宅後荒神山而獲之按公  
 卿補任履仲天皇時執政臣有賴我滿智宿祢蓋  
 是石川宿祢之子其子韓子其子高麗其子稻目  
 其子馬子其子雄正子其子連子其子安麻呂其  
 子石足其子羊足故曰十世孫也羊足卿官銜薨  
 日皆與史合平成宮即平城宮所謂奈良宮即此  
 按毛詩無俾城壞漢書諸侯王表作毋俾成壞左  
 傳王子成父管子作城父又勃海高城河間阜城  
 漢魯峻碑皆作成隋龍藏寺碑成皋作城畢洛州  
 南和縣澧水石橋記成都作城都並可證古通用

城成字也倭名類聚抄島上郡有真上鄉無白髮  
 鄉按續日本紀延曆四年五月詔曰臣子之禮必  
 避君諱比者先帝御名及朕之諱公私觸犯猶不  
 忍聞自今以後宜並改避於是改姓白髮部為真  
 髮部山部為山然則白髮鄉之為真上亦係延曆  
 所改是志在詔前二十四年故猶不避也常陸國  
 真壁郡  
本名白壁郡見風土記改  
 真壁亦蓋在是時也酒垂山當即今荒神山  
 儀形即儀型餘見余所摹刻本誌跋尾



修造多賀城碑

多賀城 去京一千五百里、

去蝦夷国界一百廿里、

去常陸国界四百十二里、

去下野国界二百七十四里、

去靺鞨国界三千里、

此城神龜元年、歲次甲子、按察使兼鎮守將軍從四位上勳四等大野朝臣東人之所置也、天平寶字六年、歲次壬寅、參議東海東山節度使從四位上仁部省卿兼按察使鎮守將軍藤原惠美朝臣朝猶修造

也、

天平寶字六年十二月一日

碑在陸奥國宮城郡市川村、即多賀城廢趾也、賀

柵始見續日本紀 碑上有西字、其義未詳、續日本

紀東人神龜元年二月授從五位上、二年閏正月

授從四位下勳四等、天平三年正月授從四位上、

其為鎮守將軍、見天平元年九月、為按察使、見九

年正月、碑所書官位、皆得于置是城之後、其後十

一年四月為參議、十三年閏三月叙從三位、十四

年十一月薨于職、碑不言參議從三位者何也、若

以置城之時言之、未嘗為勳四等從四位上、疑朝  
猶暗記之誤耳、朝猶官銜與續紀所載皆合、但寶  
字五年十一月丁酉紀曰、為東海道節度使、不曰  
東山、然紀載其所管國有上野下野、則知東山兼  
在其中也、又據六年十二月紀、八年七月紀、及九  
月押勝傳、並云從四位下、不載至從四位上、是碑  
為自己署名、當以史為遺漏也、

高屋連枚人墓志

高屋連枚人墓志

故正六位上常陸國大目高屋連枚人之墓、寶龜七  
年歲次丙辰十一月乙卯朔廿八日壬午葬、

河內國石河郡□□山崩而出、此志志似石非石、  
似瓦非瓦、土砂合成、未經火化者、楊貴氏墓志其  
制全同、今藏在郡中叡福寺、古事記云、安閑天皇  
御陵在河內古市高屋村、延喜式有河內國古市  
郡高屋神社、皆可証高屋之為河內地名也、枚人  
史傳無見、

好古少錄上十三

和少錄作和

○  
宇智河崖涅槃經碑

大般涅槃經

諸行无常、是生滅法、生滅已、寂滅為樂、如是偈句、乃是過去未來現在諸佛所說、開空法道、如來證涅槃、永斷於生死、若有至心聽、常得無量樂、若有書寫讀誦、為他能說一經、其身於劫後七劫不墮惡道

寶龜九年二月四日工少□□□

知識□□

右刻在大和國宇智河、就崖書、後彫佛像、一區未完、似鑄鏤、不卒業者、字頗漫滅、而以碑首有大般字、遂或謂大般若經碑者、誤、按諸行无常偈、及如是偈句一章、出聖行品、如來證涅槃偈、及若有書寫一章、出高貴德王品、其就崖書者、蓋本於品、我於爾時、深思此義、然後處之、若石若壁、若樹若道、書寫此偈之文也、碑書寂滅為寂滅、按毛詩赫々宗周、褒姒滅之、昭元年左傳、韋昭國語注、並引作滅、則知滅滅通用

紀吉繼墓志

維遜曆三年歲次甲子朔癸酉丁酉叅議從四位下  
陸奧國按察使兼守鎮守副將軍勳四等紀氏諱廣  
純之女吉繼墓志

河內國石川郡妙見寺有一丘陵土人呼為茶臼  
山往年出此墓志三瓦造堅緻如唐製澄泥古研  
上下二片片各厚三寸餘一片刻志一片為蓋今  
藏在本寺按遜曆三年正月癸酉朔丁酉廿五日  
也然不言正月書朔癸酉酉別屬一例廣純卿官

銜皆与史合

附錄

南圓堂銅燈臺銘

銅燈臺銘并序

弘仁七載歲次景申伊豫權守正四位下藤原朝臣  
公等追遵先考之遺敬志造銅燈臺一所心不乖麗  
器期於撲慧景傳而不窮慈光燭而無外遺教經云  
燈有明明命也燈延命譬喻經云為佛燃燈後世得



天眼不生真慶普廣經云燈供養照諸幽冥苦病衆  
生蒙此光明緣福德皆得休息然則上天下地匪日  
不明向晦入冥匪大不照是故以斯功德奉翊先靈  
七覺如遠一念孔迩庶幾有心有色並超於九橫無  
小無大共蠲於八苦昔光明菩薩燃燈說咒善樂如  
來供油上佛居今望古豈不羨哉式標良因貽厥來  
者云大雄降化應物開神三乘分轍六度成津百非  
洗蕩万善惟新更昇切利示以崇親其薰修福下開  
右銅燈臺在興福寺南圓堂前燈臺六方銘亦六  
版末二版逸失今所存四版耳景申即丙申唐人

為太祖諱丙為景此襲用之孝謙皇帝所寫一切  
經跋亦云神護景雲二年歲在戊申五月十三日  
景申与此同藤原朝臣名諱不可知俟後攷或謂  
冬嗣公非是冬嗣以弘仁二年正月為參議見日  
本後紀弘仁五年四月幸冬嗣開院  
院按從三位見類聚國史與此云弘  
仁七年伊豫權守正四位下不合追遵先考之  
遺敬志造銅燈臺一所按敬志恐倒置匪大不照  
亦應作火皆書者偶誤也

○ 神護寺鐘銘

愛當之山、神護之寺、三寶既備、六度無虧、唯所有梵  
鐘、形小音窄、故禪林寺真紹和尚、始發弘願、有心改  
鑄、鎔範未成、衣祴早化、檀越少納、言從五位上和氣  
朝臣彝範、悼和尚之遺志、尋先祖之舊蹤、以貞觀十  
七季八月廿三日、雇治工志我部海繼、以銅一千五  
百斤、令鑄成焉、恐年代久遠、後人不知、仍聊記於鐘  
側、右少辨橋朝臣廣相之詞也、

銘一首 八韻

傳音在器、證果惟回、介祖初業、厥孫聿遵、  
宿昔三尺、今日千斤、體有寬窄、功無舊新、

山聲萬歲、谷響由旬、聞宜覺夢、扣即歸真、

慈周世界、感及非人、彫琢勝趣、蒙叟當仁、

叅議正四位下勘解由長官兼式部大輔播磨權  
守菅原朝臣是善銘、

圖書頭從五位下藤原朝臣敏行書、

神護寺在山城國葛野郡高雄山、舊號高雄寺、天  
長元年九月和氣朝臣真綱等請以為定額、名曰  
神護國祚真言寺、見類聚國史、元亨釋書云、釋真  
紹、幼事弘法大師、長受灌頂于寶慧、齊衡之間、建  
禪林寺、貞觀十五年七月七日滅序云、鎔範未成、

衣祴早化者是也按系圖彝範清麻呂公四世之  
 孫真綱之曾孫真典之孫時盛之子也廣相是善  
 敏行並是顯人俗稱為三絕鐘銘非虛也序仍聊  
 記於鐘側山城名勝志脫聊字銘厥孫聿遵名勝  
 志鐘銘集並釋作幸遵又慈周世思鐘銘集作沙  
 界皆誤彫琢勝趣琢即琢字荀子雕琢刻鏤陸賈  
 新語雕琢刻畫古本群書治要並作琢漢書東方  
 朔傳瑠琢刻鏤即與彫琢刻鏤同顏師古曰琢  
音篆非是文  
 選司馬子長報任少卿書雕琢曼辭以自飾漢書  
 司馬遷傳載作雕琢顏師古又曰  
琢音篆非是莊子雕琢復朴

列子載其事亦作雕琢殷敬  
亮及亦非是隋杜乾緒等  
 造象銘琢鏤契崖唐張旭書郎官石記序徵追琢  
 之良工此用詩追琢  
其章之字也皆是也與琢字或作琢同義  
 俱書家故求茂美耳干祿字書琢琢上珪璧文音  
 篆下琢玉竹角反又云琢琢上許穢反下丁角反  
 唐人琢琢字多作琢琢故顏氏正之也按說文琢  
圭璧上起  
 非琢也廣韻璧上文也持亮切周禮典瑞琢圭璋  
 璧琮禮記禮器大圭不琢  
鄭玄曰琢當為篆字  
 之誤也釋文家亦作琢漢書董仲舒傳良玉不琢  
 似得義通然琢字所不多用雕琢追琢後世熟用  
 字面此竟檢說文家字古文作家又漢孔謙碣作  
 冢孔龢碑豕作冢張納功德頌遜作迅後魏中岳

嵩陽寺碑啄作喙。隋洛州南和縣澧水石橋記啄作喙。則啄作喙亦有由而來。

○  
道澄寺鐘銘

道澄寺者從三位守大納言兼右近衛大將行皇太子傳藤原朝臣參議左大辨從四位上兼行勘解由長官播磨權守播朝臣為報四恩濟六趣合誠勩力所建立也。堂宇比薨南北輪爰尊像接座前後跣趺兩相公宿殖香火之緣生為瓜葛之戚非唯現世結

契闊之情亦欲淨刹與安養之樂故各取其名首字以為此寺額題所以貽本緣於來代斯同志於他生也。藤亞相爰命島匠乃鑄鴻鐘且將令長夜昏迷聞妙聲而知曉苦海沉溺驚梵叫而通津。延喜十七年十一月三日銘之其詞云

倭師施治菩提催緣靈受必應響高自傳從夕至曉出定入禪傍唱衆聖遙警大仙法喜增感耶夢驚眠通阿鼻獄達有頂天劫數億萬在界三千一音利益無阿無邊

道澄寺中古廢絕今時再建在山城國紀伊郡斜

橋傍鐘今在大和國宇智郡小嶋村榮山寺蓋道  
澄寺廢時移此也拾叢抄云道澄寺道明澄清二  
人合力建立則知藤原朝臣道明卿橘朝臣澄清  
卿也按系圖道明武智麻呂公五世孫保蔭之第  
二子澄清諸兄公六世孫良基之第五子也鐘序  
所載官銜皆與公卿補任合又按良基之女適保  
蔭生道明則澄清與道明舅姪序云生為瓜葛之  
戚者契闊約束也韓詩說見經典釋文陸機贈弟  
士龍詩云安得攜手俱契闊成駢服從梁陳詩誰  
謂伏事淺契闊踰三年江淹雜體詩陸機契闊承

華內綢繆踰歲年又盧諶姻媾久不虛契闊豈但  
一皆當以約束解之李善或引毛傳契闊勤苦也  
為注非是後或以為疏遠之義亦非此義也銘云  
響高自傳高即亮字楊貴氏墓版智證大師寫經  
亦作此體序鳧字作鳥亦同法鐘銘集釋為高非  
是大田南畝覃曰格古要論云趙景安雲麓漫抄  
引會稽志云智永與其兄惠欣本住郡之嘉祥寺  
右軍舊宅也梁武以二僧能從釋教合二名改賜  
額永欣云以道澄為寺額蓋本于此小島靜齋知  
足云道澄二公並預撰延喜式見忠平公序世知

省二公賴此鐘銘耳、竟不知其文學為當時之器也、是言誠然、故余為表出之、

天保十三年壬寅二月書寫遂一校了、件原存未定之稿本以朱及墨之或書上層或書字旁記以合符一系畫了也、漸研究而寫之、此尚不免脫漏差謬之誤、  
山崎知雄識

